

10pm Northern Territory Bar Association 2016 Conference
Common Issues Common Solutions
14-16 July 2016
Dili, Timor Leste

Juvenil Delinkuénsia (foinsa'e infratór sira)– Kura kanek

Judge Sue Oliver
Managing Judge
Northern Territory Youth Justice Court

Labarik sira bo'ot iha família nebé falha, laiha domin, abuzu no violencia, mal-nutrisaun no hatais nebé laiha kondisaun, oinsá mak sira atu sai modelu sidadaun diak?

Kauza ema jerál mak susbtituisaun iha sensu komunidad nebé dehan katak "ema ida-idak sai sira nia aan, no diabu mak foti ida be ikus liu" (lian inglés: "every man for himself, and the devil take the hindmost")

Atu reduz krime, presija atu identifika faktores sira nebé hamosu kriminozu no maneira oinsá atu hasoru kauza hirak ne'e

Ida ne'e mak longu-prazu úniku, efektivu atu tulun no reduz vítima. Kastigu laos dalan.¹

Problema hirak nebé asosia ho joven delinkuentes/joven ofensór hanesan problema universál. Ita bele muda ba kontinente seluk no liu husi ilha sira iha Asia no Pasífiku-sul no problema nebé hanesan nafatin mosu iha kada Tribunal Justisa nebé toma konta ba problema foinsa'e-ofensór sira.

Papél ida ne'e sei konsidera problema komun sira no tansá mak justisa ba foinsa'e sira la bele haktuir no halo hanesan ho justisa kriminal ba ema-adultu, tanto iha Tribunal nia laran ka servisu-sira kustódia nian no servisu non-kustódia nebé existe atu julga delinkuentes juvenil sira.

PROBLEMA KOMUN SAIDA MAK EZISTE IHA FOINSA'E-OFENSÓR?

Juvenil delinkuentes barak mak foinsa'e nia bareira

Ba dahuluk, presija rekoñese katak maioria husi delinkuentes juvenil sira la kontinua ho sira-nia atitude wainhira too iha idade adultu.²

¹ A Letter to the editor from Shirley Smith "Crime and jail" *The Dominion* (2 February 1999, ed 2, p10) referred to by The Rt Hon dame Sian Elias, Chief Justice of New Zealand in her 2009 Annual Shirley Smith Address

² Bureau of Statistics Trends & Issues in Crime and Criminal Justice

Ida ne'e la signifika katak ita la presija kombate hasoru problema ne'e husi fofoun kedas, tanba importante tebes atu foti medidas nebe cedu atu limita durasaun no impaktu ba ofensas iha komunidadade nia leet.

Intervensaun sedu nebe efektivu sai hanesan pena alternativa diverzaun ida husi pre-Tribunal.

Iha Teritóriu Norte nasaun nian, polisia halao programa pena alternativa diverzaun ba delinkuentes juvenil sira. Sé polisia ida fiar ho razaun nebe forte katak foinsa'e ida komete iha ofensas ka foinsa'e nebe komete ofensas iha pasadu, em vez suspende foinsa'e ne'e, polisia sira tenke halo buat hirak tuir mai ne'e:

- (a) Fó atensaun verbalmente ba foinsa'e;
- (b) Fó atensaun eskrita ba foinsa'e;
- (c) Kria Youth Justice conference nebe involve foinsa'e sira nebe konvokada;
- (d) Refere ba programa pena alternativa diverzaun ba foinsa'e;

Iha esepasaun balu ba regulamentu ida ne'e.

1. Iha akuzasaun balu nebe sai husi rejime pena alternativa diverzaun nian. Iha ofensas balu mak preskreve tiha ona hodi sai husi programa pena alternativa diverzaun, izemplu sira mak terorismu, nain ba material abuzu labarik, ofensas balu hanesan ofensas seksuál inklui violasaun-seksuál, ofensa homisídiu, naok, invazaun ba ema-nia uma, atake incendiário. Infrasaun trãnsitu mós sai husi rejime ida ne'e no bele komplika prosesu nebe bele loke dalan ba programa pena alternativa diverzaun. Izemplu, foinsa'e ida wainhira halo aksaun kontra lei konabá utilizaun motorizada maibe hetan fali akuzasaun tanba lori kareta maibe laiha karta kondusaun. Iha kazu sériu barak mak bele hasoru ho programa pena alternativa diverzaun, maibe krime tanba uza kareta laiha karta kondusaun labele hetan pena alternativa diverzaun.
2. Foinsa'e ida ne'e hetan tiha ona programa pena alternativa diverzaun dala rua antes ka iha pasadu (ba programa pena alternativa diverzaun ka konviksaun) sei halo pena alternativa diverzaun labele sai hanesan opsau.
3. Foinsa'e nebe hahu programa pena alternativa diverzaun maibe la kompleta.

Iha kazu hirak ne'e, joven ne'e sei hetan akuzasaun ho ofensas no tenke hatán fila fali iha Tribunal Justisa ba Foinsa'e.

Maibe, sé karik joven ida la empeña iha programa pena alternativa diverzaun ka falha atu kompleta programa pena alternativa diverzaun tuir Tribunal nia orden, liu husi permisaun husi prokuradór, joven ne'e bele re-avalía fila fali ba pena alternativa diverzaun foun ka ba konferénsia Justisa ba Foinsa'e. Izemplu sira mak ba joven sira nebe

antes iha situasaun nebé nebé falta husi kuidadu, ka antes liu husi periodu transitóriu maibé oras ne'e iha situasaun nebé programa pena alternativa diverzaun bele sai susesu.

Dalaruma buat nebé presija mak mudansa hahalok ba kompromisu nebé susesu ho programa pena alternativa diverzaun no ida ne'e bele mosu wainhira joven ne'e no nia inan-aman sira hetan alerta tiha ona konabá konsekuénsia husi ba hatan ba akuzasaun sira iha Tribunal.

Karik iha ona re-avaliasaun no re-diresaun ba programa pena alternativa diverzaun nebé susesu, akuzasaun krimínál sira bele retiradu husi prokuradór.

Rekizitu mandatóriu ba programa pena alternativa ne'e rasik iha alerta katak durante asaun krime sira, iha abordajem oinseluk ba maneira oinsá delinkuentes juvenil sira presija hasoru no diferensa hirak ne'e presija atu hetan reflexaun iha Tribunal. Delinkuentes Juvenil sira labele hetan tratamentu hanesan ho prosedimentu juridikasaun ba kriminal ema-adultu.

Programa pena alternativa diverzaun produz resultadu forte atu halakon delinkuénsia juvenil. Ida ne'e maneira restorativu iha justisa nebé foka ba oinsá jovem sira foti responsabilidade ba sira nia asaun no hetan diresaun ba servisu pro-sosiál sira, comunidade nia desempeño, no iha kazu balu, konferénsia vitima offensór sira

Ha'u sujere aproximasaun nebé hanesan tenke jeralmente aplika iha Tribunal Justisa ba Foinsa'e. Fokus tenke ba foinsa'e sira atu aseita sira nia responsabilidade ba nia sala, ka identifikaun faktores sira nebé influencia delinkuentes sira no tau iha fatin medidas sira atu halakon problema hirak ne'e, atu nune'e jovem sira bele iha korajem atu emprende iha pro-social duké hahalok anti-sosiál nebé dalabarak hamosu konfuzaun.

Hanesan ba pena alternativa diverzaun, atu alkansa metas hirak ne'e, Tribunal tenke buka atu empeña joven sira no sira nia inan-aman iha prosesu. Sira labele tuur deit, wainhira advogadu sira diskute problema no Tribunal determina resultadu. Ita labele empeña joven ida sem direktamente koalia ho sira, demonstra ba sira interese ida iha sira nia moris no sira-nia futuru no enkoraja sira wainhira sira demonstra mudansa hahalok.

PROBLEMA KOMUN

Sé nune'e, problema komun saida mak bele sai pre-kauza ofensa ba joven?

Menus husi interese inan-aman, suporta ho supervizaun

Youth Justice Act (Aksaun Justisa ba Foinsa'e) rekere joven ida atu hetan akompañia husi sira nia "enkaregadu responsavel". Iha joven uitoan de'it mak mosu iha Tribunal no hetan akompañia husi ida husi sira-nia inan-aman nebé tuir lolós prienxe rekizitus ne'e. Iha kazu barak ida ne'e laos tanba inan-aman sira lakohi atu halo buat nebé diak ba sira-nia oan, maibé tanba sira mal-ekipadu atu sai inan-aman iha maneira nebé efektivu. Dalabarak mós, ida ne'e kauza husi trauma no/ka alkól no/ka abuzu droga husi inter-jersaun

Iha kauza balu, inan-aman sira rasik sai hanesan kriminozu/ofensór, no ida ne'e laos de'it afeta ba sira nia abilidade atu sai parenti diak ba sira-nia oan maibé mós influenciá ba desizaun nebé sira-nia oan sei halo.

Karakterístika komun ba labarik sira nebé mak hanesan resultadu husi menus supervizaun husi inan-aman nia guia mak menus iha atendentu iha eskola. Sira nia inan-aman la haree benefisiu husi edukasaun, ka menus husi interese no abilidade atu aseguira sira-oan tama ba eskola no hetan edukasaun diária.

Laiha liafuan, katak wainhira labarik ida menus husi edukasaun bázika, no ita haree labarik sira nebé iha tinan 15 ka 16 sei tuur iha klase 2 ka klase 3, sira sei bo'ot no sei la hetan empregu ida nebé signifikadu, no karik iha, sei haforsa sira iha siklu nebé kontinua nafatin husi desvantajem sosiál ho numeru aumentu ba oportunitade atu kontinua involve iha hahalok krime sira.

Abuzu no neglijénsia (abandono) inklui iha trauma husi família violente

Iha prevalénsia aas entre foinsa'e sira nebé hatan iha Tribunal tanba kauza husi abuzu no neglijénsia (abandono). Iha momentu iha iha Teritóriu Norte, entre 25-30% husi populasaun prizioneiru sira mak labarik sira nebé ordem atu hetan protesau halo tiha ona ba sira. Sira nia inan-aman rasik lakon tiha ona podér responsabilidade ba sira responsabilidade parental fó fali ba Teritóriu Norte liu husi orden ida ba Xefe Ezekutivu ba Departamentu Família Labarik sira-nian. Sira ne'e mak hanesan labarik sira nebé Tribunal hetan tiha ona hanesan ema nebé sofre fizikamente no abuzu/abondono emosionalmente husi inan-aman.

Efetu husi trauma ba abuzu no neglijénsia labele atu rai diskretu. Iha tendensia katak Tribunal no sistema koreksionál sira atu haree de'it ba saida mak akontese ba joven ida iha momentu oras ne'e no saida mak sei akontese iha futuru imediatu nebé atu mai. Ita presija ba tan klean. Ita presija husu saida mak akontese tiha ona ba labarik ne'e desde nia moris mai. Durante loron 1000 labarik ida nian, expozisaun ba eventu trauma sira, inklui neglijénsia fízika no emosionál sei muda estrutura orgánika ba labarik nia kakutak. Too tempu wainhira labarik ne'e bo'ot sai joven, nia reaksaun sira, impulsu, empatia ka nia empatia nebé menus hanesan resultadu direktu husi trauma ne'e sei rezulta ba establesimentu atitute ida nebé diak

Wainhira comunidade jerál hanoin abuzu labarik, sira-nia hanoin ba liu abuzu fíziku, karik tanba média babain fó reportajen jeralmente ba kazu hirak nebé iha abuzu fíziku nebé extremu no neglijénsia halo labarik ne'e mate. Ida kazu balu nebé sai ona ba públiku. Ida ne'e laos kritisismu husi reportajem média tanba sistema protesau labarik estruturadu ona iha konfidensiál no non-publikasaun durante prosedimentu, no media sira, entre la hatene detalhes ba kazu sira ne'e iha semana ida molok tesi-lia iha Tribunal ka sira labele duni publika detalhes hirak ne'e.

Sai kestaun nebé komprensível tebes atu iha protesau ba joven ida atu la bele hetan prejudika liután husi média nia reportajen, maibe ida ne'e la signifika katak laiha apresiasau ka kompriensau ruma ba predominio husi abuzu emosional no negligensia entre comunidade jerál, nebé mak iha realidade hanesan kazu protesau labarik maioria nebé hasoru iha Tribunal. Konsekuentemente, ida ne'e komprensível tebes katak membru comunidade kategoriza juvenil delinkuentes hirak ne'e hanesan "labarik ladi'ak" sem iha kompriensau katak sira hanesan labarik sira nebé iha sirkumtánsia durante desenvolve husi kiik to bo'ot nebé oinseluk, no ema sira ne'e sei sente kulpa wainhira sira hatene tuir lolós situasaun real.

Ida ne'e sai problema bo'ot wainhira nai-ulun sira iha Guvernu entre la kompriende koneksau entre labarik traumatizadu no hetan kanek ho labarik nebé sai delinkuente juvenil. Komentáriu públiku "Ami sai ba servisu to ami nia kotuk-laran kolen didiak no joven 'asu' sira ne'e mai sobu ami nia uma, no ida ne'e xokante tebes"³ perpeitua vizaun ida katak juvenil delinkuentes simplesmente hanesan labarik "ladi'ak" nebé presija kastigu sem apresiasau ruma katak kastigu ida ne'e sei la bele resolve problema no sei la muda joven ida nia hahalok no jeralmente buat nebé presija mak intervensaun terapeutika nebé intensivu. Sé koneksau ida ne'e ema la bele kompriende, nune'e servisu saida tan mak eziste atu fó intervensaun nebé presiza, entre facilidade detensaun ka iha supervizaun comunidade, nebé ita bele hetan no ekipadu.

Violénsia iha família

Foin dadauk ne'e iha Australia, ha'u bele haree katak comunidade barak iha kompriensau uitoan deit konabá impaktu a labarik ka efeitu husi labarik haree violénsia iha família. Sem dúvida falta husi koñesimentu konabá impaktu husi violénsia iha família sempre babain hetan reflesaun iha Tribunal wainhira hasoru problema kriminal sira. I rona praktisionista sira hatete katak labarik babain iha tiha kuartu sorin, ka toba tiha, ka "rona" de'it asaltu nebé halo ba sira-nia inan.

Labarik sira ne'e diuk ka? Sira toba nonok los ka, durante asaltu violentu nebé halo sira nia viziñu atu bolu polísia? Rona de'it sira-nia inan hakilar no tanis wainhira hetan baku wainhira impaktu ba sira?

Liga ba abuzu bebida alkoólíka nível aas iha Teritóriu Norte mak rezulta ba númeru violénsia aas iha família. Liu husi 60% asaltu kriminal sira iha Teritóriu Norte iha ligasaun ho violénsia domestika. Persentajen husi vítima hamutuk ualu-nulu resin-rua iha Teritóriu Norte mak feto. Liu husi 70% prizioneirus sira iha Teritóriu Norte iha konviksaun liu husi ida relasiona ba krime violénsia doméstika.

³ Northern Territory Chief Minister Adam Giles, Adjournment debate, NT Legislative Assembly as reported at <http://www.news.com.au/national/breaking-news/nt-govt-makes-crime-top-election-issue/news-story/1b21d45ff2fd8ccb83dcda49f1228d5f>

Feto indijena sira iha Teritóriu Norte iha prevalénsia dala-22 atu sai vítima violénsia doméstika kopara ho feto sira nebé laos indijena. Feto indijena representa 73% husi vítima violénsia doméstika iha Teritóriu Norte.⁴

Ho nível aas ba violénsia iha comunidade indijena, sé mak hatene sé ida ne'e rezulta ba número aas ba violénsia entre joven indijena no laós-indijena no enkarseramentu?

Violénsia iha Komunidade

Problema ida ne'e laós komun iha juvenil delinkuénsia em jerál, maibé ida ne'e laós buat foun iha área remota sira iha comunidade Teritóriu Norte. Ida comunidade ba Teritóriu Norte nebé sira nia oan kona problema ida ne'e, laos dala ida de'it, maibé iha períodu regular sempre halo problema. Sira haree ema sira (inklui família) furiozu no lao ho kilat sira hanesan machete no baliun no diman no uza sasán hirak ne'e atu ataka ema seluk ka estraga propriedade sira.

Imajina insidente hanesan akontese iha Melbourne ka Sydney? Oinsá média sei reaje ba ida ne'e? Preokupasaun saida mak sei mosu ba labarik sira nebé kona ida ne'e? Iha ka lae medida atu bolu ema counseling sira atu ajuda hadi'a trauma ida ne'e? Iha comunidade barak mak labarik sira akompaña hahalok ida ne'e bebeik ba bebeik, laós deit fó risku ba trauma impór husi estragu neurolójiku maibé mós hasae risku nebé vizível wainhira labarik ne'e sai adultu normal.

Maibé labarik nebé hahalok ladiak ne'e eziste duni?

Wainhira trauma husi abuzu no neglijénsia no expozisaun ba violénsia sai hanesan fatór primáriu iha juvenil delinkuénsia, parte balu husi comunidade sei responde katak iha labarik balu nebé hetan abuzu no neglijénsia no labarik hirak ne'e la involve iha problema, tan ne'e bele konklui katak kriminozu sira ne'e naturalmente "labarik ho hahalok ladi'ak" duni. Observasaun nebé dehan katak laós labarik hotu-hotu nebé hetan trauma komete iha aktu violénsia ne'e sem dúvida lós duni, maibé ida ne'e la signifika katak labarik hirak nebé komete aktu violénsia ne'e hetan husi jersaun ba jersaun.

Tansá labarik balu hetan trauma, inklui sai sasin ba hahalok violentu, abuzu pesoál no neglijénsia, lori labarik balu atu sai violentu maibé balu hatudu karakteristik nebé la hanesan hanesan buat ida nebé kompleksu tebes no involve konsiderasaun tipu violénsia nebé sira hetan no padraun no durasaun violénsia, prezensa no laiha-prezensa husi adultu nebé fiél no labarik nia tinan iha momentu nebé nia hetan expozisaun ba hahalok sira ne'e.⁵

Ita penaliza labarik ida tanba menus reziliente ba abuzu no violénsia sira hasoru?

⁴ Domestic and Family Violence Reduction Strategy 22 April 2016 at <https://justice.nt.gov.au/statistics-and-strategy/domestic-and-family-violence-reduction-strategy>

⁵ Perry, BD Incubated in Terror: Neurodevelopmental Factors in the 'Cycle of Violence' In: Children, Youth and Violence: The Search for Solutions (J Osofsky, Ed.). Guilford Press, New York, pp 124-148, 1997

Problema seluk nebé mosu?

Perturbasaun expektru alkoól fetal

Oras ne'e ita bele kompriende ona katak wainhira embriu hetan expozisaun ba alkoól iha úteru, ida ne'e bele afekta neurolojikamente no bebé ho abnormalidade iha kakutak nebé labele kura. Nível husi kuantida alkoól nebé konsumu lori mudansa no karik iha pontu krítika partikular husi jestasaun nebé la klaru tebes wainhira mosu.

Perturbasaun Expekru Alkoól Fetal (Eng: *Foetal alcohol spectrum disorders (FASD)*) iha komun ema hanoin hanesan kondisaun solteiru ida, maibé termu ne'e deskreve kondisaun haat nebé lahanesan. Ida, ida nebé koñesidu liu hanaran Sintomas Alkoól Fetal (Eng: *foetal alcohol syndrome (FAS)*) iha nebé labarik afektadu balun hatudu karakterístika expresaun husi oin, kresimentu atrazu no perturbasaun desenvolvimentu neuro iha kakutak. Iha mós sintomas sorin iha nebé labarik la hatudu karakterístika expresaun oin, maibé iha kresimentu nebé atrazu no/ka perturbasaun desenvolvimentu neuro iha kakutak. Tolu, bele iha defisiénsia iha karakterístika hahalok no kognitivu, maibé laiha defisiénsia karakterístika oin nian. Haat, perturbasaun ba abnormalidade konjenital maibé laiha Sintomas Alkoól Fetal (FAS) nia karakterístika nebé hatudu iha oin.

Iha mós konsumo iha nível extraordináriu iha Teritóriu Norte. Iha juridiksaun ba protesaun labarik, Tribunal aree kazu barak nebé labarik, sei infánsia hela, hatudu sinál Perturbasaun Expekru Alkoól Fetal (FASD). Tribunal Justisa ba Foinsa'e identifika aumentu iha númeru joven ho kondisaun hirak ne'e.

Tanba kondisuan ida ne'e afeta funsaun kakutak ba joven ida nebé sofre perturbasaun husi Sintomas Alkoól Fetal sei iha difikuldade iha wainhira memoriza buat ruma no hanoin krítiku. Sira sei iha difikuldade aprende husi aksaun iha pasadu no iha difikuldade kompriende no rekoñese limite. Sira sei iha nível desenvolvimentu nebé la apar ho sira nia tinan. Kustu husi Perturbasaun Expekru Alkoól Fetal (FASD) mak afeta lobo frontal kakutak nian no afeta abilidade atu halo planu, halo desizaun no importante liu iha kontekstu atu halo aktu violentu, kontrola impulsu atu atua. Joven ne'e sei dalabarak hetan instrusaun husi ema seluk no sei prezenta dalabarak iha justisa kriminál hanesan ema nebé tuir deit orden duke lidera⁶.

Abordajem punitiva ba juvenal dilekuentes ho FASD sei la hamosu resultadu nebé diak.

Konsidera mós possibilidade atu joven delinkuente nebé iha FASD sei moris iha uma kain nebé konsumu nafatin bebida alkólika iha kuantidade aas, no propenzaun

⁶ Dr Jessica Leonard, *The challenges of FASD & Implications for the legal system*, SA Law Society Bulletin Volume 38(1). Pages 38-39

(*kecenderungan*) ba aktu violentu sai agravadu no aumenta liu husi prezensa husi faktór nain rua mak negligénsia no abuzu no abnormalidade ba kakutak no funsaun kognitivu.

Nutrisaun la adekuaudu

Menus husi nutrisaun la adekuaudu partikularmente iha desenvolvimentu cedu ba vida labarik nian bele afeta makaas ka kresimentu labarik sira nian no bele sai hanesan kauza seluk husi dezinvolvimentu kakutak nebé frájil no afeta ba abilidade intelektuál.

Abuzu substánsia

Medida ba kuidadu presija atu foti wainhira hasoru ho joven sira nebé iha abuzu ho substánsia atu labele asume katak ida ne'e iha ligasaun no kauza husi aktu violentu tanba dalabarak abuzu ho substánsia sei reflète ba tipu problema trauma nebé identifika tiha ona iha papél ida ne'e.

Oinsá ita resolve problema ida ne'e?

Tenke halakon Ideia ida nebé suporta atu hasai labarik ida husi nia familia no koloka iha fatin asisténsia sosiál ka grupu ida nebé bele hadia hahalok labarik nian. Husi esperiénsia katak labarik sira ne'e la hela iha fatin hirak ne'e maibé sira halai, no dalaruma fila hikas ba sira nia uma nebé sira foin hetan expulsu, no dalabarak iha reaksaun nebé kompleksu iha nebé labarik sei buka atu proteje inan-aman abuzadór no negligente ka sira lao vadiu ba fatin-fatin. Iha sirkumtánsias hirak ne'e sei halo sira iha risku: riksu ba prejudika-aan no risku ba involvimentu iha aktu krime.

Labarik barak nebé ita nia justisa observa hahú komete iha atu krime no violentu **hafoin** sira hetan tiha asisténsia sosiál. Dalaruma ida ne'e hanesan rezultadu husi koloka iha uma asisténsia sosiál hamutuk ho foinsa'e nebé iha situasaun hanesan.

Presan nebé mai husi ema nebé iha idade hanesan (*tekanan teman sebaya*) konsidera mós hanesan faktór ba juvenil delinkuénsia. Tau joven sira nebé iha ona problema hanesan falta eskola bebeik no problema ho hahalok hanesan rezultadu husi problema ho protesaun ba labarik hamutuk ho joven delinkuentes sira hanesan reseita atu hahú prosesu nebé transforma joven ida atu tama ba juvinal delinkuente.

Iha forma hanesan, confinementu no kastigu ba hahalok sei la susesu atu alkansa buat ruma. Labarik sira nebé hetan detensaun dalabarak halo fila fali asaun violentu. Klaru, iha buat barak tebes nebé kompleksu ho situasaun sira hanesan ne'e, izemplu husi ida ne'e mak joven sira nebé hetan detensaun hanesan sira nebé komete tina ona krime sériu liu no halo aktu krime barak liu sira seluk sei sai mós hanesan labarik sira nebé hahalok susar atu hetan tratamentu.

Youth Justice Act kontén prinsípiu sira nebé atu aplika ba juvenil delinkuentes. Seksaun 4 ho kondisaun katak kastigu ba joven ida tenke dezeña atu fó ba nia oportunidade atu

dezenvolve sensu responsabilidade sosiál no iha forma seluk dezenvolve atu bele hetan aseita benefisialmente no mós sosiálmente.

Prínsipiu ida ne'e fó delineasaun klaru entre prinsípiu sira nebé aplika iha kastigu ba adultu delinkuente no juvinal delinkuente. Nia enderesa nesesidade atu rekoñese katak juvinal delinkuentes barak mak realidade hanesan labarik sira nebé avariadu tiha ona no koko atu estraga fila fali sira seluk no kontinua atu halo hanesan ne'e se laiha intervensaun.

Maibé prinsípiu lei nian buat seluk ida. Buat nebé sei kuran husi Teritório Norte nia Sistema Judisiál mak servisu sufisiente no programa atu resolve altu nível ba trauma nebé eziste no abordajem ba koordenasauun makaas ba problema hirak ne'e ho ajénsia nebé relevante, justisa ba foinsa'e, protesauun ba labarik, edukasaun no saúde, partikularmente saúde mental. Koordenasauun ba servisu sira ne'e presija mosu iha ambiente não-kustodial no kustodial.

Oinsá ho estrutura iha Tribunal aktuál?

Iha momentu ida ne'e, joven delinkuentes sira nebé prosesa ba Tribunal hetan assisténsia husi Tribunal Justisa ba Foinsa'e. Inklui mós iha ne'e labarik sira husi tinan 10 no labarik sira ne'e bele hetan kastigu iha sentru detensaun sira.

Hanesan iha nota prévia, labarik sira ne'e balu mak labarik sira nebé hetan ona sistema protesauun ka sira nebé hahú ona aplikasaun ba tratamentu no kuidadu durante akuzasaun kriminal. Labarik hirak ne'e refere hanesan "crossover kids". Sira nia aplikasaun atu hetan protesauun sei ba hatan iha Tribunal lokál, laos Tribunal Justisa ba Foinsa'e.

Estrutura aktuál Tribunal nian – fahe prosedimentu ba aktu kriminal ba foinsa'e husi prosedimentu protesauun labarik la fó vantajem ba grupu rua ne'e. Medida nebé Tribunal foti falha atu rekoñese saida mak evidénsia sira hatudu, nebé sai hanesan parte ida nebé difísil ba grupu juvenil delinkuentes atu hatan iha Tribunal Justisa ba Foinsa'e, sira nebé babain hetan detensaun ka transforma sai adultu kriminozu mak labarik sira nebé experiénsia trauma króniku. Ida ne'e kauza lakon oportunidade ba intervensaun sedu partikularmente ba labarik nebé iha idade kiik liu.

Tribunal Justisa ba Foinsa'e nia liman kesi metin ka funsiona la efektivu prinsipalmente wianhira hasoru pasu sira nesesáriu atu resolve failansu nebé hetan ba labarik nia família nebé sai hanesan autór nebé estraga labarik nia desenvolvimentu no lori sira sai labarik kriminonu no violentu.

Maske Tribunal identifika preokupasaun ba protesauun ba labarik, Tribunal menus husi medida atu asegura katak prosedimentu proteksauun nian foti atu proteje duni labarik. Buat nebé Tribunal bele halo mak atu buka relatóriu iha seksaun 51 nia okos husi *Youth Justice Act* husi Xefe Ezekutivu Departamentu Labarik no Família. Hamutuk ho kolega judiciário sira, ha'u haree tiha ona kazu barak nebé tuir relatóriu labarik nian ha'u hanoin

protesaun garantidu tiha ona. Maibé relatóriu relata fila fali husi DCF katak laiha protesau ruma ka sira la alkansa limite ba investigasaun.

Iha ha'u nia haree, laiha progressu signifikativu iha abilidade Tribunal nian atu rezolve problema delinkuénsia labarik no sira-nia protesau iha estrutura aktuál.

Iha Nova Zelândia, iha modelu Tribunal nebé oinseluk. Labarik sira husi tinan 14 mai kraik labele hetan akuzasaun kriminal esepu deit ba asásiniu n

In New Zealand a different court model operates. Children under the age of 14 cannot be charged with criminal offences except for murder and omisídiu involuntáriu. Sira nia kazu hetan asisténsia husi pena alternativa diverzaun, konferénsia grupu família ka husi referál to iha Tribunal Família nian.

Iha ita nia sistema, iha parte seluk, buat nebé ita bele hetan mak koloka labarik sira ho idade husi 11 no 12 iha facilidade koreksionál tanba laiha dalan seluk iha pontu ida ne'e atu salva-guarda sira husi halo krime liután no oferese sira ambiente nebé seguru.

Laos joven delinkuente sira hotu sai atributu ba fatores identifikasaun sira iha papél ida ne'e, maibé ba sira nebé laiha ida husi fatores sira ne'e mensionadu iha papél ne'e uitoan tebes iha número.

Maske nune'e, iha relutánsia husi parte Governu atu abandona modelu justisa atu hasoru delinkuénsia, no ida ne'e hanesan rezultadu husi vontade livre ka desizaun, tan nune'e joven delinkuente sira dalabarak haree hanesan sira rasik mak responsabiliza ba sira nia aksaun no merese atu hetan kastigu. Nível aas ba enkaseramentu ba foinsa'e sira iha Teritóriu Norte kontinua ho aktu violentu no krime sira nebé sujere katak medida ida ne'e la efektivu.

Medida alternativu ho bem-estar konsidera nesiedade ba juvenil delinkuente no iha objetivu atu rehabilita joven sira. No ida ne'e labele konfunde ho dispensa joven sira husi sira nia responsabilidade ba sira nia asaun. Sem dúvida iha situasaun balu nebé enkaseramentu presija partikularmente ba krime sira nebé sériu ka iha nebé kontinuaun husi krime no asaun violentu fó impaktu ba comunidade. Enkaseramentu deit labele rezolve problema sira nebé identifika tiha ona. Ida ne'e importante atu enkaseramentu oferese intervensaun terapeútika nesésáriu atu hadia fator kriminojéniku ba kada joven ida-idak.

Konkluzau

Intervensaun terapeútika no intervensaun sira seluk nebé enderesa ba família no sirkumtánsias moris nian ba joven delinkuente tenke dezenvolve iha sistema justisa ba foinsa'e atu efektivamente delimita problema juvenil delinkuénsia. Maske abordajem "lei no orden" populár tebes iha Australia durante eleisaun atu resoa ho membru balu husi

komunidade, iha ikus mai, abordajem ne'e no failansu ba ajénsia rekursu sira atu hatan ba nesesidade joven delinkuentes sira sei hamosu impaktu ladiak iha comunidade.

No ida ne'e sei la ajuda ema ruma.